

功過格



太微仙君功過格

不備卷

費文憲公曰。功過格甚精微。男女貧富皆可行之。且修事修意。直接上根。受此格者。每日於所行之事。自考功過。記於憲書之上。一功記一。十功記十。百功記百。千功記千。一十過記十。百過記百。將功補過。以所餘者爲定期。望焚香告天。至滿善願。而回向之。勤修不已。積至萬功。聖賢有基。神明咸佑。有願必遂。無福不臻。昔周濂溪先生見此格。語二程夫子曰。正初學入德之門。紫陽朱子

功過格

一

曰。四書爲理。此格爲條。初學不可不置此冊於案頭。先賢邵康節。范文正。蘇文忠。趙康靖。張魏公。趙清獻。真西山。俱奉行此格。余先人平日爲善不倦。得此格於會稽陶石簣家。藏室夜光。寶而行之。嘗夢此格化爲金字。生余宏。後又夢此格化爲銀字。生弟棠。此先人行此格之報也。惟愚弟兄。仰承先志。虔奉力行。深恐失墜。爰爲刊布。公之同志云。

孝順格

一日間事父母公姑服勞承歡親常喜悅爲一功。贊成親善解怒舒憂各一事爲一功。孝順十五日精進不倦爲十功。勸親改過遷善一大事爲十功。化親行仁成德爲百功。親倫理有睽勸化之至和樂一事爲百功。

一日間勞而怨驕而惰致親怒一事爲一過。爲利欺親忤逆爭競教善不從一事爲十過。阻親善唆親惡一事爲百過。久淹親柩不葬爲百過。

功過格

二

右第一格以化親於道爲第一。祖父母同非生母能孝功倍之。伯叔父母加二倍。

和睦格

一日間兄弟夫婦妯娌姑衿各相友愛任勞任怨爲一功。贊成善事一事爲一功。和睦十五日精進不倦爲十功。化至行仁成德孝順友愛爲百功。一日間不友愛和悅爲一過。遇事面是而心非爲一過。爭競讒謗順妻子廢孝悌各一事爲十過。阻善

贊惡。終身不睦。丈夫私寵棄妻。妻凌制夫。俱百過。

右第二格。以化婦女友愛行善爲第一。婦女能自和。好行善。功尤倍。

慈教格

一日間。訓子弟孫姪。仁慈一體。不怒。不縱。爲一功。有大事。教導見從。一事爲一功。慈教十五日不倦。見子孫長進。爲十功。求得賢師益友。及化以善。爲十功。化導至成德。各一人爲百功。

功過格

三

一日間。縱惡不戒。各佔己子。俱一過。酷虐。教打罵人。佔便宜。或贊成其惡。各一事爲十過。酷虐非己生。縱子孫成惡習慣。爲百過。

右第三格。以自幼教使交遊善人爲第一。非所生者。功尤倍。

寬下格

一日間。寬婢僕。和侍妾。體恤艱苦。爲一功。可怒不怒。善爲教導。爲一功。寬教十五日不倦。爲十功。同室。

養僕一體訓化見從一事爲一功。教化婢僕至忠信仁慈可仗以救濟各一人爲百功。

一日間咒罵冤打飢寒不恤一事爲一過。酷刑虐使縱無禮於尊長佔婢僕怨尊長一事爲十過。妒虐待妾錮婢女不嫁娶及殘其肢體爲百過。奸淫婢女爲百過。

右第四格以正身立教爲第一婦能容愛媵妾生育

功尤倍

功過格

勸化格

一日間隱惡揚善常說果報勤求勸化爲一功。勸人善見從一事爲一功。十五日不倦機權愈妙爲十功。得一善人交修其化爲十功。善書格言易於化人者與人共習一人十功。化人倫理親朋和好爲二十功。化一人至仁孝成德爲百功。得十善人同心廣化刊施感應陰陽等善書爲百功。

一日間揚過惡訐陰私好談淫賭佳趣一事爲一過。

贊惡助訟誣善人演淫戲變是非一事爲十過 唆人
宗族親戚爭訟刻淫書誘蕩子俱百過

右第五格以不言之化及求賢爲第一化豪傑權貴
功尤倍

救濟格

一日間遇物輒救求借不吝醫藥急赴爲一功 濟飢

寒乏絕一事爲一功 十五日汲汲救放約大命一

走獸

及大禽魚如無可放

中命百小魚鳥

小命千蟲蝦螺屬全

功過格

五

此爲十功 施賑當厄扶持危病俱十功 救飢死拯

溺縊服毒勸養小兒設法收救遺棄嬰孩倡修緊要橋

梁險路俱百功

一日間能濟貧苦而不濟及殺蟲虐畜損人器物婦人

私施僧道俱一過 教漁獵倡殺生疑病妄藥俱十過

私烹牛犬偷殺畜物俱五十過 溺殺子女百過

右第六格以救未然及仁術濟眾爲第一善醫善泗

富商遠遊皆可救人貧而能施功尤倍

交財格

一日間交關買賣俱從寬厚爲一功。放債出當佃田濟人危急。不論利息。百錢爲一功。十五日利物不倦爲十功。捐免貧債。百錢爲一功。率鄉里平斗斛秤尺一家爲一功。捐債免人典妻賣子及關性命者與拾重寶還人俱百功。

一日間剋剝利已乘危多取。百錢爲一過。逼迫貧債虧心負財。兩樣秤斗俱十過。僥滅重債謀人產業誘功過格。

六

人破財賭蕩迫人流離失所俱百過。偽造假銀及知而行使者俱百過。

右第七格以絕私利便宜根爲第一。貧者不貪功尤倍。

奢儉格

一日間飲食衣服甘淡惜福以行施濟貧者安心勤業不怨不貪俱一功。十五日絕烹殺忍嗜欲男業女工不虛度衣食爲十功。感化十家儉樸好施化十人勿

嫖賭奢淫俱百功。

一日間。暴殄天物。享用過豐。覬圖非分。俱一過。越理

犯分。烹殺多儀。婚嫁過奢。樂酒無厭。俱百過。破產蕩

業。恃財淫人妻女。及蓄戲妓俊僕在家。致敗邪淫。俱百過。

右第八格。以儉己能施爲第一。富貴不淫。及婦女不爭華飾。功尤倍。

性行格

功過格

七

一日間。敬老慈幼。親愛同輩。忍辱受勞。貴賤平等。報恩解怨。俱一功。十五日不倦。十功。變化一件氣質。大辱難忍。而能忍。俱十功。火氣不生。在在歡喜。在在感化。爲百功。

一日間。傲慢笑侮。爲一過。婦女好佚遊。多言穢罵。俱

一過。侵弱欺愚。及用機陰圖。婦人行咒詛。魘魅。俱十過。常習鬪訟。侵侮。爲百過。婦人麗制丈夫。及麗人

夫婦不和。或病或死。俱百過。

右第九格。以受汚辱。變氣質。爲第一。當時時進步。改過。

敬聖格

一日間。敬事神明祖先。或祈親福。求善緣。齋戒至誠。俱一功。十五日齋戒不倦。無雜念。無怠志。十功。時時存想聖賢仙佛。相貌莊嚴在心。或存日月輪相光明。至十五日。爲十功。誠敬至夢寐靈通。時見光明寶相。流轉肺腑。若遊天宮。聞神語。爲百功。

功過格

八

一日間。怠慢祖先神靈經典。涕唾便溺。不忌三光。祈福禳災等。不修善事。而許性牢惡願。及婦女好入廟院。俱一過。戲侮誹謗神佛聖賢。爲十過。訕罵神明。作穢梵寺。無識毀經。倡說叛聖。俱百過。

右第十格。以常時對越效法。爲第一。

讀書格

一日間。循讀書課程。埋頭窗下。爲一功。十五日精進不倦。爲十功。詩禮傳家。一經教子有成。不失家傳世

業爲五十功。拒闢邪教。力衛正道。爲百功。讀聖賢書。發大勇猛。直下承當。疊疊不倦者。爲百功。

一日間。干與外事。小利荒功。濫交雜友。羣居閒諠。因循鹵莽。一日爲一過。學有一得。驕且吝者。爲十過。文字不若人。不發恥心。自厲。爲十過。詆毀聖賢經傳。違逆師長。無忌憚者。俱百過。

右第十一格。以潛心理會聖賢經旨。能內明於心。外踐於身。爲第一。以是開導後學。不倦。功尤倍。

功過格

九

存心格

一日間。言行俱善。存心施濟天下。化導眾庶。爲一功。

十五日不倦。道心純熟。爲十功。善與人同。改過日新。

半月爲十功。無私念雜念。精純至寡。思息夢生。意愈盛。惻誠弗怠。一月爲百功。常常如此。惻怛自然。存虛

應圓。爲無量功。

一日間。淫念。惡念。貪念。妒念。邪念。媚世念。嫉善念。迭起不除。一念爲一過。淫惡等念。展轉不已。形之動作。爲

三十過

右第十二格以忘善無我爲第一

光緒二十五年十一月中浣捐貲敬刊以廣流傳並先
自實力奉行以祈病痊以祈康強願天下之所康強者
悉實力奉行此格也江南揚州府同知皖南建德周學
海謹識

功過格

十一

謝維翰

悉實力奉行此格也江南揚州府同知皖南建德周學

海謹識

光緒二十五年十一月中浣捐貲敬刊以廣流傳並先

自實力奉行此格也江南揚州府同知皖南建德周學

海謹識

